



Broj: 01/1-02-1932/24

Datum: 25.10.2024. godine

Na osnovu člana 13. i člana 43. Zakona o cestama FBiH („Službene novine FBiH“, broj: 12/10, 16/10 i 66/13), člana 11. Odluke o organizaciji i sigurnosti saobraćaja na cestama na području općine Visoko („Službeni glasnik općine Visoko“, broj: 6/09, 1/17, 10/18, 5/21 i 6/21), člana 30. Statuta Grada Visoko („Službeni glasnik Grada Visoko“ broj: 10/21) i člana 200. Zakona o upravnom postupku („Službene novine FBiH“, broj: 2/98, 48/99 i 61/22), po zahtjevu izvođača radova “ADO – TRANS” d. o. o. Visoko, putem Službe za infrastrukturu, ekologiju, komunalne i inspeksijske poslove Grada Visoko, Gradonačelnik d o n o s i:

### R J E Š E N J E

1. Radi izvođenja radova na realizaciji Ugovora – Rekonstrukcija ulice Čaršijska i ulice Alije Izetbegovića, uvodi se privremena obustava saobraćaja za sva motorna vozila u ulici Čaršijska i ulici Alije Izetbegovića, od dana 28.10.2024. godine do završetka radova, u vremenskom periodu od 07:00 do 19:00 sati.
2. U periodu privremene zabrane saobraćaja sva motorna vozila se upućuju na alternativne pravce.
3. Zaduguje se Izvođač radova da postavi privremenu saobraćajnu signalizaciju na lokaciji iz tačke 1. ovog rješenja, a prema Pravilniku o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlaštena osoba (“Službeni glasnik BiH”, broj: 16/07 i 61/07).
4. Za sve štete koje nastanu zbog privremene obustave saobraćaja učesnicima u saobraćaju i drugim licima, a zbog propusta podnosioca zahtjeva, snosit će Izvođač radova.

### Obrazloženje

Grad Visoko je zaključio Ugovor – Rekonstrukcija ulice Čaršijska i ulice Alije Izetbegovića – sa izvođačem radova “ADO - TRANS” d. o. o. Visoko. Zbog planiranih građevinskih radova na realizaciji navedenog ugovora, potrebna je privremena obustava saobraćaja za sva motorna vozila, u ulici Čaršijska i ulici Alije Izetbegovića (dionica od Betonskog mosta do Sebilja). Privremena obustava saobraćaja će trajati od 28.10.2024. godine do završetka radova, u vremenskom periodu od 07:00 do 19:00 sati.

Shodno navedenom, a u skladu sa članom 13. i člana 43. Zakona o cestama FBiH („Službene novine FBiH“, broj: 12/10, 16/10 i 66/13), člana 11. Odluke o organizaciji i sigurnosti saobraćaja na cestama na području općine Visoko (“Službeni glasnik Općine Visoko”, broj: 6/09, 1/17, 10/18, 5/21 i 6/21) i člana 30. Statuta Grada Visoko („Službeni glasnik Grada Visoko“, broj: 10/21), riješeno je kao u dispozitivu.

**Pouka o pravnom lijeku:** Protiv ovog Rješenja dopuštena je žalba Komisiji za statutarna pitanja, poslovnik i propise Grada Visoko, u roku od petnaest (15) dana od dana prijema Rješenja, a na osnovu člana 107. Statuta Grada Visoko („Službeni glasnik Grada Visoko“, broj: 10/21). Žalba se podnosi putem Grada Visoko ili putem pošte ovom organu. Na žalbu se plaća administrativna taksa u iznosu od 10,00 KM u korist budžeta Grada Visoko, propisana članom 1. tarifni broj 3. Odluke o Gradskim administrativnim taksama („Službeni glasnik Grada Visoko“ broj: 1/20 i 13/21), Transakcijski račun: 1990470004018370, vrsta prihoda 722 131, Šifra Grada: 098, Budžetska organizacija 00000000, Poziv na broj 0000000000. Žalba ne odlaže izvršenje Rješenja.

### Dostavljeno:

1. Ado – Trans d. o. o. Visoko,
2. Policijska stanica Visoko,
3. MZ Centar,
4. Evidencija,
5. a/a.



GRADONAČELNIK

mr. sc. Mirza Ganić, dipl. ing.